



UNIVERSITÄTS-
BIBLIOTHEK
PADERBORN

Notitia Congregationum Et Tribunalium Curiæ Romanæ

Plettenberg, Hunold

Hildesii, 1693

§. 1. De Majori Pœnitentiaria.

[urn:nbn:de:hbz:466:1-63032](#)

Bullæ diversorum Pontificum. Vestrius in
prax. l. 2. c. 16. Lunadoro in relat. De Luca Rel.
Rom. Cur. disc. 14.

C A P U T V.

De sacra Pœnitentiaria.

§. I.

De Majori Pœnitentiario, eiusque munere.

1. S. Petrus ejusque Successores acceperunt à Christo ligandi & solvendi potestatem.
2. Hanc tribuit Pontifex etiam Pœnitentiariis.
3. Qui constituti sunt olim ut pro modo culpæ pœnitentiam imponerent.
4. Et Romæ quidem duo in quavis Parochia, Caput eorum nunc dicitur Major Pœnitentiarius.
5. Et Cardinalis esse solet.
6. Cum sit una ex primariis dignitatibus.
7. Instituta à Benedicto II. aliisque Pontificibus confirmata.
8. Olim amplissima fuit ejus jurisdiction, nunc restricta est.
9. Officium suum per se ipsum exercere debet, vel impeditus per alium Cardinalem.
10. Semel in mense habetur Signatura Pœnitentiariæ.

II, Sin-

170 De Majori Pœnitentiario.

11. Singulis annis audit Pœnitentes in singulis tribus primariis Urbis Basilicis.
12. In rebus gravioribus jubentur Pœnitentes dire Officiales, & Pœnitentiarios minores.
13. Qui in tribus primariis Ecclesiis constitutuntur.
14. Quos constituit Major Pœnitentiarius. Officia eorum & privilegia.
15. Major Pœnitentiarius, dum excipit Confessiones, tenet virgam pœnitentialem.
16. Ter celebrat Missam coram Pontifice.
17. Literas gratis expedit. Et qua forma?
18. Quadruplices concedit gratias.
19. Qualem habeat potestatem absolvendi a dispensandi.
20. Circa quæ hæc potestas versetur.
21. Sede vacante quæ expedire possit, & quæ non.
22. Quomodo subscribat literas.
23. Executio earum non impedienda.
24. Salarium M. Pœnitentiarii.

I.

Accepérunt S. Petrus, ejusque in Se de Apostolica Successores à Christo Servatore nostro claves regni Cœlorum, & potestatem ligandi suis legibus quoscunque vellent, eosdemque solvendi non tantum per dispensationes ab humanae legis obligatione, sed etiam per indu-

indulgentias à peccatis in divinam legem
commissis.

2. Hanc absolvendi pœnasque impo-
nendi pro gravitate delicti facultatem
tribuit deinde Pontifex quibusdam etiam
aliis peculiariter, qui Pœnitentiarii di-
cti sunt.

3. Cum enim circa annum Christi du-
centesimum quinquagesimum tempore
S. Cypriani & S. Cornelii Papæ quæstio
& contentio magna oriretur: An relapsi
ad idolatriam recipiendi essent ad Ec-
clesiam nec ne, aliis cum Novitiano id
negantibus, aliis verò affirmantibus,
prævaluit tandem pars major recipien-
dos esse. Cum verò quidam gravius,
quidam levius peccassent dum alii thura
Diis immolassent, alii verò non, aliqui
etiam Martyrium subiissent, sed crucia-
tibus vici à confessione veræ fidei re-
siliissent, constituti sunt Sacerdotes, qui
pro modo culpæ admissæ pœnitentiam
imponerent & hi Pœnitentiarii appella-
ti sunt.

4. Persecutione deinde cessante &
tranquillitate Ecclesiæ redditæ Officium
Pœnitentiariorum ad alia quoque deli-
cta se extendit, ideoque constituti sunt
Romæ in quavis Ecclesia Parochiali duo,
qui Pœnitentibus pœnas imponerent se-
cundum

cundum Canones pœnitentiales, & est verisimile habuisse illos caput aliquod, qui primus fuit Pœnitentiarius, quo cum occurrentes quotidie casus contulerunt quique graviores postulante necessitat ad Pontificem retulit, ejusque mentem & jussa executus est. Hic nunc major dicitur Pœnitentiarius, sustinetque officium in Curiâ Romanâ valde honoratum.

5. Quod hoc tempore conferri sole alicui ex sacro Collegio Cardinalium, insigni scientiâ, prudentiâ atque benignitate conspicuo, qui sit Presbyter, & Magister in Theologia, sive Decretorum Doctor *Pius V. Const. 83. §. 6.*

6. Est enim una in Urbe ex primaria post summum Sacerdotium dignitas quæ annexam habet insignem auctoritatis prærogativam. *Gomes in Proæm. Reg. Cancel.*

7. Hæc dignitas ut refert *Gravatius* in annotationibus suis *ad e. 2. præx. Vestri* ex Gomesio, primo instituta fuit à Benedicto II. ac postea Eugenii Sixtique beneficiis aucta à Pio V. ejusque in Sede Apostolica Successoribus confirmata.

8. Olim amplissima fuit Majoris Pœnitentiarii jurisdicçio, sed à *Pio IV. Const. 53. In sublimi. B. Pio V. Const. 83. In omnibus*

& Urbano VIII. 10. Jan. 1634. *Const Regimini.* quæ in Bullario non habetur, sed adducitur à Nicolio *Part. 2. lucubr. l. 5. tit. 39.* restricta est & reformata. *Nicolius ibid.*

9. Debet verò Officium suum per se ipsum exercere vel si absens sit aut impeditus alium ex S. R. E. Cardinalibus idoneum sibi Propœnitentiarium subrogare, qui hoc munus pariter per se ipsum exequatur literasque non Pœnitentiarii delegantis, sed suo nomine jubeat expediri. *Pius V. Const. 83. In omnibus.*

10. Quapropter Major Pœnitentiarius semel quolibet mense, aut saepius, si fuerit necesse convocat per Capellatum Pœnitentiariæ Officiales suos, de quibus inferius; quæ convocatio signatura Pœnitentiariæ dicitur, ideo quod in ea memorialia signentur à D. Regente, & graviores casus à Procuratoribus propositi discutiantur, gratiæque concedantur vel negentur.

11. Adhæc singulis annis confert se Major Pœnitentiarius post prandium ad tres primarias Urbis Basilicas nimirum ad Lateranensem S. Joannis die Dominico Palmarum: Ad S. MARIAE Majoris feria quartâ: Quintâ vero & sextâ majoris hebdomadæ ad S. Petri in Vaticano,
ibi-

ibique super solio tribus vel quatuor gradibus elevato tanquam Tribunali sedens per aliquot horas audit pœnitentes quos cunque & undecunque accedentes, auditosque mittit pro casuum absolutione & si necesse sit dispensatione ad Minorem Pœnitentiarios, qui in singulis prædictis Basilicis commorantur.

12. In rebus autem gravioribus iubentur adire Officiales suos ibidem presentes, eorumque permittit arbitrio a gratia concedenda sit, nec ne. Quibus nigris auditis pœnitentibus causas discutiunt, & si gratificandi sit locus, remittunt illos ad eosdem Pœnitentiarios Minores.

13. Sunt vero Pœnitentiarii illi Minoris in Basilica S. Petri in Vaticano Patres è Societate JESU, ad S. Joannem Lateranensem Religiosi ex Ordine S. Francisci de Observantia, & ad S. MARIAM Majorem Patres è Familia S. Dominici. Singuli habitant ad suas Ecclesias, habentque singuli unum qui Superior Pœnitentiariæ dicitur, & sustentantur sumptibus Pontificiis.

14. Constituit illos Major Pœnitentiarius prævio examine super eorum idoneitate in Signatura S. Pœnitentiariæ facta. Hi præsto sunt quotidie in Basilicis

suis ad excipiendas confessiones Sacra-
mentales in variis linguis etiam orien-
talibus, quas dum audiunt manibus te-
nent Virgam ligneam pœnitentialem,
& induiti sunt stolâ violaceâ. Gaudent
etiam quibusdam prærogativis nimirum
quod in solennioribus supplicationibus
Pontificis; ut festo Corporis Christi in-
duti planetis incedant post universum
Clerum sœcularem & regularem imme-
diate ante Episcopos. Cæterum in iis
quæ ad hoc munus pertinent, subjecti
sunt Majori Pœnitentiario. In iis vero,
quæ concernunt disciplinam regularem,
subditi sunt Prælato propriæ Religionis,

Ejusdem generis videntur esse Pœni-
tentiarii almæ domus Lauretanæ, qui sunt
Religiosi è Societ. JESU.

15. Major quoque Pœnitentiarius
dum audit pœnitentes manu tenet vir-
gam pœnitentialem acceptam ab unius-
eiusque Basilicæ Minorum Pœnitentia-
riorum Superiore vel Decano, cui qui re-
verenter se tangendos submiserint, cen-
tum dies indulgentiarum illis in forma
Ecclesiæ consueta conceduntur, prout
declaravit Paulus V. Calendis Aprilis
Pontificatus sui anno quinto.

16. Ter quot annis solennem celebrat
Missam coram Pontifice, videlicet: Fe-
riâ

riâ quartâ cinerum, feria sexta majoris hebdomadæ, & die Anniversario defunctorum.

17. Diplomata sua gratis, etiam prescriptura concedit. Pro casibus occulatis, & simplicibus absolutionibus, que ad ordinarios dirigit, mittuntur clavis ad formam literarum familiarium sigillata ; Pro publicis verò casibus circumscriptiones dispensationes, rehabilitations, & similia ad favorem Regularium atque etiam Laicorum, qui ad Secundum Apostolicam missi fuerant pro absolutione à censuris obtainenda Brevi dat patentia cum pendent per cordiam rubeam sigillo ex cera ejusdem coloris, inclusa in capsula ovata ex stanne confecta.

18. Quadruplices verò gratias concedit Major Pœnitentiarius I. in foro conscientiae simul & in actu Sacramentalis confessionis, II. In foro conscientiantum. III. In utroque foro. IV. Simpliciter absque ullius fori expressione, prout est in literis Remissi absoluti. Gratiae primo & secundo modo concessae non suffragantur in foro exteriori, sed judiciali. Tertio verò & quarto modo concessæ possunt & debent in eo suffragari, ideoque earum executiones de-

man-

mandantur Ordinariis, qui sunt Judices publici, neque in earum literis apponitur clausula: *Quod in foro judiciario nullatenus suffragentur, ut in aliis gratiis apponi solet.* Dicitur vero in secundo modo: *In foro conscientiae tantum, ob censuras, quæ spectant ad forum animæ, cuius solus DEUS Judex est.*

19. In favorem sæcularium auctoritatem habet adsolvendi ac dispensandi copulativè in casibus occultis solummodo, absolvendi vero etiam in publicis. At in favorem Regularium etiam in casibus publicis, idque in utroque foro potestatem habet & absolvendi & dispensandi.

20. Versatur vero potestas illius circa dilationes & commutationes votorum simplicium, & simplicis obligationis recitandi horas Canonicas: Circa absolutiones à casibus & censuris reservatis juxta supra dicta: Dispensationes super irregularitatibus; Convalidationes titulorum; Rehabilitationes ad beneficia & dignitates: Circa dispensationes cum Regularibus transire volentibus ad strictiorem, vel laxiorem Religionem: Condonationes & Remissiones pecuniarum & fructuum male perceptorum sine prejudicio tamen certi Domini.

M

21. Se-

21. Sede vacante expedire solum potest quæ conscientiæ forum respiciunt. Clem. 2. §. eo tamen de electione. ideoque quo ad illa non expirat Officium ejus morte Pontificis, ne desint, qui pœnitentium confessiones audiant, & à censuris, pœnis, & à peccatis absolvant, atque in animarum periculum avertatur. arg. c. i. Ne Sede vacante &c. i. de sepult. in 6. In ceteris verò quiescit ejus Officium & auctoritas, ideoque à commutatione vel derogatione ultimarum voluntatum, & ab unionibus, suppressionibus & translationibus Beneficiorum, & absolutionibus Simoniacorum abstinet: Nec concedit absolutiones, vel mandata absolveri ab homicidiis, & aliis gravioribus delictis, nec commissiones alienationi bonorum Ecclesiasticorum in forma Si in evidentem, nec homicidæ voluntario etiam Canonice absoluto Altaris ministerium, aut ascensum ad Superioris Ordines, & restitutionem aut retentio nem Beneficiorum, quibus privatus fuit. Neque dispensationes matrimoniale concedit, neque Apostatis licentias obtinendi Beneficia Ecclesiastica, ac in illis ministrandi. Pius IV. Const. 53. In sublimi.

22. Literis Majoris Pœnitentiarii creditur.

ditur, eæq; in utroque foro probant & suffragantur *Sixtus IV. Const. 23. Julius III.*
Const. I. §. 4. subscriptit autem autoritate
Officii sui & ex commissione generali li-
bello supplici: *Fiat in formâ*, aut: *Fiat de*
speciali, vel *Fiat de expresso*. qua subscriptio-
nis varietate innuitur iis, qui literas ex-
pedire debent, quanti momenti sit res
quæ petitur.

23. Qui yerò executionem literarum
sacræ Pœnitentiariæ impediunt, aut ad
id consilium, auxilium, vel favorem præ-
stant, sunt excommunicati. *Julius III.*
Const. I. Rationi congruit.

24. Major Pœnitentiarius quot annis
percipit ratione Officii sui octo circiter
millia scutorum.

Vestrius prax. l. I. c. 2. Azor. p. 2. l. 5. c. 38.
& *Cassan. Catal. gl. mundi. p. 4. confid. 17.*
Marci Pauli Leonis prax. ad lit. Maj. Pœni-
tent. c. I. & 2. Lunadorus in relat. Nico-
lius l. c.

§. 2.

De cæteris Officialibus S. Pœ- nitentiariæ.

1. *Officiales Pœnitentiariæ.*
2. *A quo hi constituantur.*
3. *Constituti esse debent in sacris Ordinibus.*